

ხელშეკრულება № 60-7-114-556

ქ. თბილისი

2014 წ. 22. 09.

### I. მხარეები

1.1 წინამდებარე ხელშეკრულება დადებულია 2014 წლის 22 სექტემბერის მხრივ სს „საქართველოს სახელმწიფო ელექტროსისტემას“, წარმოდგენილი მისი მმართველთა საბჭოს თავმჯდომარის სულხან ზუმბურიძის სახით (შემდგომში „შემსყიდველი“) და მეორეს მხრივ შპს „ფაზისი“ (შემდგომში – „მიმწოდებელი“) შორის, წარმოდგენილი დირექტორის გრიგოლ ბახტაძის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

### II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს საქონელი (ღორღი 20-40 ფრაქცია, ქვიშა ნარევი ღორღი და მდინარისეული ბალასტი) წინამდებარე ხელშეკრულების პირობების შესაბამისად.

2.2 დანართი №1 წარმოადგენს წინამდებარე ხელშეკრულების განუყოფელ ნაწილს.

### III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი №1-ის შესაბამისად და შეადგენს 3528(სამი ათას ხუთას ოცდარვა) ლარს დღგ-ს ჩათვლით (ტრანსპორტირების გარეშე) შემდგომში („ხელშეკრულების –ღირებულება“). საქონლის ღირებულება მოიცავს „მიმწოდებლის“ მიერ „შემსყიდველის“ სატრანსპორტო საშუალებაზე საქონლის დატვირთვას.

3.2 ანგარიშსწორება განხორციელდება ეტაპობრივად, ფაქტიურად მიწოდებულ საქონელზე მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 10 (ათი) კალენდარული დღის ვადაში.

3.3. საქონლის ღირებულების ანაზღაურება ხორციელდება უნაღლო ანგარიშსწორების ფორმით.

### IV. მხარეთა უფლება-მოვალეობები

4.1. „მიმწოდებელი“ მოვალეა:

4.1.1. გადასცეს „შემსყიდველს“ ნივთობრივი და უფლებრივი ნაკლისაგან თავისუფალი საქონელი (ღორღი 20-40 ფრაქცია, ქვიშა ნარევი ღორღი და მდინარისეული ბალასტი) „შემსყიდველის“ მიერ სატრანსპორტო საშუალების „მიმწოდებლის“ ტერიტორიაზე (წყალტუბოს რაიონი, სოფ. გეგუთის ტერიტორია) მიყვანიდან ერთი კალენდარული დღის განმავლობაში.

4.1.2 საქონლის მიღების დროს თუ გამოვლინდება რაიმე ხარვეზი ან შეუსაბამობა, თავისი ხარჯებით გამომსწოროს ხარვეზი, თუ ეს შეუძლებელია „მიმწოდებელმა“ ერთი კალენდარული დღის განმავლობაში უნდა შეცვალოს საქონელი.

4.2. „შემსყიდველი“ მოვალეა ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

### V. ხელშეკრულების შესრულების კონტროლი

5.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

5.2 “შემსყიდველის” მხრიდან ხელშეკრულების შესრულებაზე კონტროლს ახორციელებს სსე-ის იმერეთის რეგიონალური ქსელის მენეჯერი თენგიზ დადიანი.

5.3 კონტროლი განხორციელდება მიწოდებული საქონლის მიწოდების ვადების შესაბამისობით ხელშეკრულების პირობებთან.

## VI. მხარეთა პასუხისმგებლობა

6.1 „მიმწოდებლის“ მიზეზით საქონლის დაგვიანებით მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ დღეზე ხარისხიანი საქონლის სრულად მიწოდების დღემდე.

6.2 „მიმწოდებლის“ მიზეზით საქონლის არასრულად ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ დღეზე ხელშეკრულების შესწყვეტის დღემდე.

6.3 ამ ხელშეკრულების 6.1 და 6.2 პუნქტით გათვალისწინებული პირგასამტეხლო “მიმწოდებელს” გადასახდელად დაერიცხება აგრეთვე იმ შემთხვევაში თუ “მიმწოდებელს” საქონელი უბრუნდება წუნდების ან ხარვეზის შემთხვევაში, წუნდებული ან ხარვეზიანი საქონლის მაგივრად ხარისხიანი საქონლის მიწოდების დღემდე.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5 „მიმწოდებლის“ მიერ „შემსყიდველისათვის“ საქონლის საერთოდ არ მიწოდების შემთხვევაში იგი ვალდებულია „შემსყიდველს“ ერთჯერადი ჯარიმის სახით გადაუხადოს თანხა ხელშეკრულების ღირებულების 10%-ის ოდენობით.

6.6. „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და “მიმწოდებელზე” დარიცხული პირგასამტეხლოს და ჯარიმის თანხა.

6.7 წინამდებარე ხელშეკრულებით გათვალისწინებული საქონლის სრულად არშესყიდვის შემთხვევაში „შემსყიდველს“ პასუხისმგებლობა არ ეკისრება.

## VII. ფორს-მაჟორი

7.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

7.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღებავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

7.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება

ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## VIII. ურთიერთობა მხარეებს შორის

8.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

8.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

## IX. ხელშეკრულების პირობების შეცვლა და/ან ვადამდე მოშლა

9.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

9.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

9.3. ხელშეკრულება შეიძლება ვადამდე მოიშალოს:

9.3.1. მხარეთა შეთანხმებით;

9.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

9.4 „შემსყიდველს“ შეუძლია ხელშეკრულება ვადამდე შეწყვიტოს:

9.4.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

9.4.2. „მიწოდებლის“ გაკოტრების შემთხვევაში;

9.4.3 თუ მისთვის ცნობილი გახდება, რომ “მიწოდებლის” მიერ მოწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

9.4.4. საქართველოს კანონმდებლობით გათვალისწინებულ სხვა შემთხვევებში.

9.5 ამ მუხლის 9.4 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიწოდებელს” ფაქტიურად მიწოდებული საქონლის ღირებულება.

## X. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების

ხელშეკრულება ღორღის და მდინარისეული ბალასტის შესყიდვაზე. „მიმწოდებელი“ შპს „ფაზისი“.

შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

## **XI. დავათა განხილვა**

11.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

11.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს.

## **XII. შესყიდვის ობიექტის მიღება-ჩაბარების წესი**

12.1 საქონლის მოწოდებისას “შემსყიდველის” მიერ წინამდებარე ხელშეკრულების 5.2 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით „შემსყიდველსა“ და „მიმწოდებელს“ შორის.

12.2. საქონლის მიღების დროს აღმოჩენილი ხარვეზების (წუნდების) შემთხვევაში „მიმწოდებელი“ ვალდებულია ერთი კალენდარული დღის განმავლობაში თავისი ხარჯებით გამოასწოროს ხარვეზი, თუ ეს შეუძლებელია ერთი კალენდარული დღის განმავლობაში უნდა შეცვალოს საქონელი.

12.3 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე.

## **XIII. ხელშეკრულების მოქმედების ვადები**

13.1 ხელშეკრულება ძალაში შედის მხარეთა მიერ ხელმოწერისთანავე და მოქმედებს 2015 წლის 31 იანვრის ჩათვლით.

## **XIV. ხელშეკრულების სხვა პირობები**

14.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

14.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

14.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

ხელშეკრულება ღორღის და მდინარისეული ბალასტის შესყიდვაზე „მიმწოდებელი“ შპს „ფაზისი“.

14.4 წინამდებარე ხელშეკრულებით გათვალისწინებული პირობები წარმოადგენს კონფედენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

14.5 წინამდებარე ხელშეკრულება დადებულია 2013 წლის 7 მარტის საქართველოს მთავრობის #53 დადგენილებით დამტკიცებული სს „საქართველოს სახელმწიფო ელექტროსისტემის“ მიერ ელექტროენერჯის გადაცემა-დისპეტჩერიზაციის შეუფერხებლად განხორციელებისათვის საჭირო საქონლის და მომსახურების შესყიდვების სპეციალური წესის მე-6 მუხლის მე-2 პუნქტის ა) ქვეპუნქტის შესაბამისად.

### XV. მხარეთა რეკვიზიტები

“შემსყიდველი”:

“მიმწოდებელი”:

სს „საქართველოს სახელმწიფო ელექტროსისტემა“  
ქ. თბილისი, ბარათაშვილის ქ. 2  
საიდ. კოდი: 204995176  
სს „საქართველოს ბანკის“  
ცენტრალური ფილიალი  
ბანკის კოდი: BAGAGE 22  
ანგარიშის №GE56BG000000283534100

შპს „ფაზისი“

ქ. ქუთაისი, წერეთლის ქ.მე-5 ჩიხი#5


საიდ. კოდი:412671390  
სს „თიბისი ბანკი“  
ბანკის კოდი TBCBGE22  
ა/ა GE69TB7915436020100001

სულხან ზუმბურიძე

მმართველთა საბჭოს თავმჯდომარე

გრიგოლ ბახტაძე

დირექტორი



ხელშეკრულება ღორღის და მდინარისეული ბალასტის შესყიდვაზე. „მიმწოდებელი“ შპს „ფაზისი“.

დანართი #1  
ფახების ცხრილი

№	საქონლის დასახელება	ქ/ს-ის დასახელება	გამზ. ერთეული	რაოდენობა	ერთეულის ღირებულება (ტრანსპორტირების გარეშე) დღგ-ს ჩათვლით (ლარი)	ჯამური ღირებულება (ტრანსპორტირების გარეშე) დღგ-ს ჩათვლით (ლარი)
1	ღორღი 20-40 ფრაქცია	ქ/ს „წყალტუბო 220“	მ <sup>3</sup>	140	14	1960
2	ქვიშა ნარევი ღორღი		მ <sup>3</sup>	14	17	238
3	მდინარისეული ბალასტი		მ <sup>3</sup>	190	7	1330
საერთო ღირებულება დღგ-ს ჩათვლით						3528

ხელშეკრულების ღირებულება შედაგენს 3528 (სამი ათას ხუთას ოცდარვა) ლარს დღგ-ს ჩათვლით (ტრანსპორტირების გარეშე).

შენიშვნა:


- ა) საქონლის ღირებულება მოიცავს „მიმწოდებლის“ მიერ „შემსყიდველის“ სატრანსპორტო საშუალებაზე საქონლის დატვირთვას.
- ბ) საქონლის ტრანსპორტირება განხორციელდება „შემსყიდველის“ კუთვნილი ტრანსპორტით ქ/ს „წყალტუბო 220“-ში.

„შემსყიდველი“:

სს „საქართველოს სახელმწიფო ელექტროსისტემა“

სულხან ზუმბურიძე

მმართველთა საბჭოს თავმჯდომარე



„მიმწოდებელი“:

შ.პ.ს. „ფაზისი“

გრიგოლ ხახტაძე

დირექტორი

